

Բ-իս Վարդավառ. Մղտեսին մատաղ արար, անդ
գնացաք:

Դչի (4 Յ-ւէս). լուսինն նոր էր:

Տաճկունքն եչի (6 Յ-ւէս) ըմբռնեալ զոսմագանն:

Թ-իս օր Կիրակի. ամենեքեանս ելեալ գնացաք
ի Ղալաթիա, տուն Մովսէսին մեր. և ելեալ գնացաք
ի գերեզմաներն. Մղտեսին և Տէրտէրն անդ ի տունս
գարձեալ և մեք անդ մնացեալ. առաւօտուն (10 Յ-
ւէս) գնացաք ընդ նոսա ի Քենատխանան և երեկոյիս
ի տունս մեր եկի:

Եչի (13 Յ-ւէս). փոքր Ոհան վարդապետն և Տէր
Յովանէսն ի մեր ժամս եկին, և Յովանէս վարդապետն
Շաբաթ երեկոյիս (15 Յ-ւէս) և Մղտեսին մեր հաց և
սեղան բերեալ նոցա. և յետ պահու ինչ ելեալ գնա-
ցաք:

Եւ առաւօտուն ԺԶ-ի օր Կիրակի. ժողով արարին
Տէր Յովանէսին էջմիածնի:

Եւ այգուցս (17 Յ-ւէս) ելեալ գնացին վարդա-
պետքն ի Սուրբ Գէորք:

Եւ Դչի օրս (19 Յ-ւէս) մեծ Ոհան վարդապետն
եկն ի Լեհայ նուիրակութենէ:

Եչի օրս (20 Յ-ւէս) բռնաւորք Բ գող կախեցին
ի Պարմաղափուն:

Եւ Կիրակի օրս ԻԳ-ի՝ Հաճի Ղուրտն զղուստրն
իւր կարգեց և ես անդ գնացի ի հարսնիք:

Եւ Դչի (26 Յ-ւէս) մեռաւ զուստր Զարդարին.
ի գերեզմաներն գնացաք և անտի մօտ ի վարդապետն
գնացաք ի Սուրբ Գէորք:

Եւ Կիրակիս (30 Յ-ւէս) Զաւտար եպիսկոպոսն ի
մեր կեկեղեցին եկն վասն ժողովի, և էր անձրև:

Աւգոստոս ամիս օր Դչի. օլօֆէն ելաւ Տաճկաց:
Երկրորդում օր Դչի (2 Ս-ւէս). արեգակն խաւա-